

摘藻堂四庫全書薈要

集部

欽定四庫全書薈要

集部

御製詩二集卷十三
四

詳校官原任編修臣徐立綱



欽定四庫全書薈要卷一萬三千三百四十集部

御製詩二集卷十三

古今體七十三首 己巳六

駐蹕靜寄山莊侍

皇太后遊覽即景

較圍迴塞上取道駐田盤奉

養多方謹承

歡千里安山莊臨靜寄秘殿足遐觀扶

輦邀

慈豫稱觴對壽巒窗開峯崙翠階繞瀑淙寒豐歲餘清
暇吾心此暫寬

山居

山居隨意作清娛底覺風光塞景殊且喜樹姿猶張王
二字皆去聲還教峰色不模糊道堪因契真佳矣畫豈能工
有是夫彷彿翠微阿那畔丹丘生在許招呼

石林精舍

三間敞白屋萬笏列青瑤少坐消塵慮興言託朗霄天
花雲外落仙樂柏間飄不必天台畔依然過石橋

綠縹亭

霜間萬葉丹松下一亭綠往往動天籟絕勝夏哀玉長
煙斂寒空因之暢遐矚

夜雨

秋霖送響屋簷垂又值雲莊駐蹕時始信山靈不相讓
偏教夜雨却稱奇

此次行圍皆於止頓日值雨故前有
塞雨又逢止頓日山靈有意示神奇

之句今駐靜寄山莊
又遇夜雨信一奇也

度峰爛漫丹楓濯著壠縣竿綠麥
滋有喜無眠宵漏永近臣未許得全知

雨後

山容業已佳雨後越清整丹翠不一狀陰晴無定景徂
雲漸避風溫暾時弄影昨來誇嫩暄今乍覺峭冷理政
過亭午趁閒登絕頂指顧俯千村蓋藏富萬井此雨復
知時可卜足餌餅豐亨敢即詡今歲屬天幸

得概軒

一谿一壑可標名况復山軒架五楹每俯綠窗真得概
偶參白業有餘清隔牆鐘磬聞仙梵寫嶂煙霞護玉英
我豈軒轅能訪道時因福地靜塵情

新晴

新晴宿潤夫如何添却田盤景色多宇宙以來便有此
畫圖無數總輸他風前萬樹霏紅錦霜後千溪斂碧波
佳興紛投吟不盡底須懶祭案前羅

雲林石室

一笠敞石室四面延雲林愛此朴而野悠然靜以深風
樹有聲畫秋泉不操琴繩牀坐無斲藉用空去聲塵心

即景

夷巖築室道心清時有山禽三兩聲繞砌黃花秋未老
滿林紅葉日偏明石邊過雨瀑猶響松下無風籟亦鳴
暫向雲莊寄高躅漫同芝圃學長生

天成寺

兩峰排闥護祇園幽致番番入靜存會景飛窗吟據榻

吹風落葉眺歸根
秋深山色無踰秀
雨過溪聲尚解喧
猶喜闍黎不識字
梵天籟動貝為翻

萬松寺疊舊作韻

步步入幽奇
秋山訝改姿
徒觀無盡藏
胡乃太佳為
入畫筌忘矣
成詩壁勒之
千章翠雲幄
擇勝自張移
披戶一憑停
地靈無不靈
此翁猶矍鑠
惟我愛觀聽
風颺九韶樂
霜添萬嶂青
更疑蔥翠頂
仙藥育芝苓

盤谷寺

遊山屬清秋秋光吟不足峰容秀以整樹態紅間綠攀
躋白玉梯偃仰青雲幄叶天成眇壺天萬松撫仙木遂
造盤谷盤宛探曲中曲武夷徒曾聞臺懷較知恧一窗
紫碧巖四砌黃金菊少坐便當去雲罩暢遐矚迴頭語
苾芻饒爾享清福

登雲罩寺定光塔

三度登穹塔

定光塔速此蓋三
度親陟其巔云

九秋縱遠觀目窮寥廓

外身在雲霞端鎮爾天籟發颯然衣袂寒宇宙渺無極

吾心與共寬

雲淨寺

招提據東嶺龍象演西天為要增山景非關種福田

是寺

為重修

故云

堯峰含宿潤澄宇斂秋煙却是初題句

去歲初到未曾

題乾隆己巳年

少林寺

禪室坐清秋諸天雲上頭一心何呈礙萬景自紛投無暇搜佳句惟教紀勝遊山莊看已近牆外石泉流

敬題壽萱堂

於山莊建屋一區為

皇太后臨幸憩息之所名之曰壽萱堂而題以詩

名山結構儼名園宜備堂闈奉

清溫塞上有松教傍鶴

熱河奉

皇太后所居

山中

無草不成萱所欣佳景供

慈豫奚用雕甍更綺軒勝處文言難擬議仲長樂志已

曾論

池上居

田盤千溪萬澗不可數計然瀆湧石罅沙渚間或
入地而伏流故不能滙而為池茲於山莊內相地
之宜設法壘石為盆浦以灰築之儼成半畝之塘
矣建屋其上輒成是詩

為愛空明與性便廓池盈畝任方圓半輪貯就清秋月
一片圖將碧落天屬我無心看澹澹終朝盈耳聽涓涓
會須育取成龍種荇藻光中躍在淵

書屋臨流坐臥便一泓恰對月窗圓源頭句詠朱夫子
池上居同白樂天畫本別教摹大匠詩筒頻遞走中涓
可知事在人為耳天半雲標自有淵

雨花室

林谷無過靜山房底用多翠霏峰四面青巖戶千螺門
外雜鳴雨崖間紛捲波那須天女散一室儼維摩

遊東甘澗古中盤諸勝即景三十韻

前朝登絕頂已暢千里眺茲復值餘閒一盡谷中妙凌

晨視庶政批覽理京報日午凍雲晴山風寒不峭苑牆
出便門巖蹊取直道叶遂詣東甘澗三間栖邃廟香燈

祠變相戍削殊古貌小樓一俯視約略得其竅西甘澗
咫尺入望偶未到仍尋向來路盤迴度雲嶠松門界別
徑石闔開天奧蒙昔攀煙蘿詰屈窮水隩友棧歷嶮嶭
深林擗茂冒始過石橋北精藍喜親造外狹而中宏所
以他難較千金買勝事布施聊可徵常輕福云種頗為
山增調結構不更侈丹青已重耀

是寺亦
為重脩

別室故精潔

秋老金英笑開窗縱遠目果愜心所樂東眺見滄溟一
杯誰可醕西睇指帝都萬情豈勝料近者高下峰摧萎
復窺窳紫翠纈此虎卉歛奏崖突是乃最佳處允宜智
仁好因憶韓昌黎馬秣車云膏眞隱應在茲反悔向所
誚予初遊盤山作記以是山為隱者所盤旋而田疇之後無聞誚其絕少故云興盡歸山莊
西陽未委照際和偶懷紆稱豐戒滿叶明朝駕言旋
勅幾勤體要

山東巡撫準泰進瑞穀圖因成是詩以示之

服膺常凜春秋旨不言祥瑞非沽美忽披齊東瑞穀圖

或者吾誠未盡喻

叶

所幸今年齊果豐不然諛頌何足

紀數郡各圖瑞穀莖一莖數穗垂纍纍曾聞亦可以偽

為其名龍爪別種耳

龍爪穀種之一
莖必結數穗

即使真穀結穗多

一莖所得能飽幾嘉禾名書縱有之吾意在彼不在此

去年饑饉獲少蘇何以噢咻起瘡痍又聞近有傷農謠

今歲齊魯有穀
賤傷農之歎

亦賴有司善經理十款一豐毋遽喜嗟

嗟是吾乃所以

雪

十月
八日

初冬霏六出農瑞紀京華曾是逢來宰真教望去嘉紛
糝當午密飄墮逐風斜乍可窗無月休猜壁有瑕鋪田
為喜色綴樹乃祥花雅稱瑤臺賞是日臨幸瀛臺何煩步障遮
佳徵應兆麥餘事亦烹茶今歲吾誠幸欣承敬倍加

岳鍾琪入覲詩以賜之

劍佩歸朝矍鑠翁番巢單騎志何雄功成淮蔡無慙李
翼奮澠池不獨馮早建奇勲能鼓勇重頒上爵特褒忠

西南保障資猷略前席敷陳每日中

長至日

南郊禮成述事

德晷星臨昴璇筩灰動葭亞陽欽

旭卉紀歲協昭華農慶豐書屢兵銷武偃遐幸蒙
稠疊貺祇厲敬誠加

張若澄桐陰清露

露下寥天碧蘚滋高梧影已露差差月窗擁膝凝思者

應賦秋聲未就時

鄒一桂山水畫歌

一桂繪事素所知家法相傳善花鳥近為山水頗入神
左右逢源真復好橫圖大嶺作遠屏一谷寒煙散林表
分來別幹殊秀拔層列岡巒致窈窕山窮水抱凡幾曲
野橋不計大與小笠亭蝸舍相間出紅蓮宮矗青松杪
倪黃宗派何須論要當取師於大造春華秋實以怡情
智水仁山從體道為術貴慎有名言其然否乎堪絕倒

詠蘇軾壁水硯

永貞用六方象坤環以壁水無竭源躁靜戾聽性質溫
真硯不壞聞云云呼之欲出其人存

雪

十一月十四日

南郊迴法駕北陸布同雲灑宇霰先集漫空雪繼紛詩

人應得句祝史不煩文

往歲因三冬無雪每有祈禱之舉今歲初冬已得霑潤即今甫

過冬至又降
恩雪何慶如之

頻疊邀

鴻臚寅虔先

去聲

慰欣

雪後瀛臺即景

金碧樓臺瓊島邊，崇情幽賞玉壺天。
三冬書史自娛耳，一雪遊觀亦偶然。
素積遠螺餘冷峭，明含牡蠣嫩陽鮮。
何人對此無佳會，况我歡生卜麥田。

總督策楞奏報川省豐收既用欣然，并成是詩示之。

曾聞兵後鮮逢年，日夜憂心繫蜀川。
詎我已蒙能解網，今春下詔班師赦金酋。
罪時有大君無物不包蒙之句，戒伊迷復不更絃。
狼煙幸

得銷荒戍魚夢欣教遍大田蒿目瘡痍初起候漫誇豐
豫勉蕃宣

大學士勤宣伯張廷玉屢以年至乞休慰留未允
近見其齒躋大耄精力視前較減優旨予告俟
開春冰泮登舟賜詩三章以示眷注

早懷高義慕懸車異數優留為弼予近覺筇鳩艱步履
得教琴鶴返林間銀毫無奈吟輕別赤芾還看賦遂初

准以原官致仕伯
爵仍帶於本身

擬問蘭陵二疏傳可曾廿四考中書

兩朝綸閣謹無過况復芸窗藉琢磨此日蘭舟歸意定
一時翰苑悵思多善娛鄉黨銷閒晝穩趁帆風送去波
南國詩人應面晤

謂沈德潛

為詢食履近如何

坐論朝夕久勤宣間別何能獨惘然同事當年今幾在

御極初所同事大臣如鄂爾泰朱軾徐本徐元夢等物故者指不勝屈今大學士張廷玉又以老告歸矣得

輿碩果又言旋江湖卿樂真饒後廊廟吾憂詎忘先指
日翠華臨幸處歡顏前席問農田

題楊補之梅花用圖中題者韻

小院梨花空夢雪仙源
桃瓣漫霏霞何如不惹纖塵種
占斷西湖處士家

村梅一樹尺圖中
展怕遊蜂逐細風
笑我寫生雖學步
華光妙理幾曾通

藉甚荆籬併石橋
每逢開處豫愁凋
惟應箇老神丹點
常馥春風白玉條

宋元合卷成三友
曾讀親書小令來

三友軒所藏宋元
梅花合卷有補之

題柳梢青十
闕而無畫

姑射今朝真靚面
連林鄧尉不妨開

冬夜偶成

壺蓮漏永併笙和幾餘溫室饒清課吉光常挹古人風
點筆拈題聊復作瞥眼籌邊憶去年翦燭批黃正無那
較來三萬六千場大都如此堂堂過

臘日奉

皇太后遊瀛臺諸勝

今日嘉平景漸遲雪凝鳩鵲晃琉璃省農幸得逢真瑞
酬節欣惟奉

聖慈蕉殿香花叅梵相液池羆虎試冰嬉迎年臘鼓春
光近今昔評量有所思

題晉硯

旁刻王廐銘背
刻虞允文銘

瑯琊貽朴製雍國勒鴻篇承燧宜冬日

用王廐
銘語

含華悅

意田文房欣璧合

內府舊藏晉硯亦有
虞允文銘曾題以詩

美質得天全尤

喜唐庚語靜為用永年

大學士勤宣伯張廷玉先奉

皇考遺詔將來配饗

廟廷今經予告懇欵陳情亟慮浮議將弗克邀

殊眷朕既明頒詔旨并成是詩書以賜之以為左券也
造膝陳情乞一辭動予矜惻動予悲

先皇遺詔惟欽此去國餘思或過之可例青田原侑廟
漫愁鄭國竟推碑吾非堯舜誰臯契汗簡評論且聽伊

雪

臘月十一日

臘後春前霏瑞雪宵衣旰食慰勞心詩人漫自間方玉
農父應知早獲金詰曉有光分野路吹風無力綴寒林

是日以歲暮詣
靜安莊奠酒

占年三白真堪喜

今歲凡三遇瑞雪實
數年來所罕覩也

底撫流陰感不禁

題黃公望溪山雨意卷

七十老翁飛逸興健筆得要無爭多
溪煙山靄紛勃鬱
雨意立待將滂沱
町邊農父早罷肩舟上
漁子閒披蓑

當時快意撫左紙
構景古研磨大陀

見黃公望
自識語

遂教曲

盡欲雨妙潤溥觸手難為摩
國子博士題贖首小篆四
字成擘窠懶瓚乃別出手
眼卷後橫議推鷗波

倪瓚題
卷後有

子久不能夢見
房山鷗波之語

英雄欺世故應爾要已心罄詐有他富

春大嶺石渠寶天然作配非旁羅氣求聲應有定理吾
因遐想碩人藹

題張若澄山水十二幅

翠微深塢

好是足山兼足水自然宜畫也宜詩翠微深處凡塵隔
不必探幽更別移

桃源漲暖

春水勝舟碧且澗綠雲鬱間絳霞蒸淵明作記嗤多事
惹得人人譟武陵

春山訪友

綠雲紅雨向清和寂寂深山幽事多曲徑苔封人跡絕
抱琴高士許相過

荷淨日長

琉璃四面水堂虛菱泫風來香氣徐釣綫間收書皮置
亦非儒士亦非漁

綠天茆庵

受風散種溪邊竹聽雨新移窗外蕉一卷常持高士傳
小年樂事足逍遙

遠岫歸雲

本來出岫無心者何事云歸戀故山却與層巒添氣色
黛深螺潤草堂間

松陰仙館

溪館淙淙水樂音更宜盤護老松陰石橋幽客來相訪

一晌高談推古今

碧嶂生秋

疊嶂何緣生翠寒為從筆底運金官
宋元蹊逕何須論古格移情楊契丹

清流繞屋

飛流直瀉匯為湖湖上軒齋蔭竹梧
那更塵埃延俗客頗饒書史作清娛

懸崖飛瀑

琉璃簾幕水晶屏雅可澄觀復可聽筇杖幽人成小立
恍從廬阜叩雲扃

極浦歸帆

落照江樓望遠空歸舟無恙布帆風憑虛瞬息來天際
斜帶飛霞一抹紅

寒林積素

課童擁帚開三徑對婦烹茶點二毛自是雅人足深致
何須雪水愧羊羔

靈珀詩

珀本松之精氣凝結數千年而成是珀外射晶光
內含生意中著方寸樹如萋蒲然按候舒縮四時
之運備焉非尋常珍玩者比名之曰靈珀因系以
詩

靈珀含精氣仙胎託古松一丸無滿缺四序識春冬屈
草祥祛佞嘉禾瑞兆農書傳平聲誠或有目覩未曾逢

雪後瀛臺即景

借問湖山底最宜最宜應是雪餘時筠梢素積龍文織
簷際冰明玉筍垂歲景崢嶸云暮矣壺天瀟灑一過之
貞元消息真無息即漸晴窗旭影遲

補桐書屋作

書屋蕭閒研席清嫩陽堪愛一窗明靜中底覺華年近
時聽街衢爆竹聲

松門石磴步徘徊五色雲中望趯臺取愛庭柯餘雪在
錯疑昨夜綻寒梅

每教舊句聯新句

曾為補桐書屋圖掛之壁間數年來于此得句即復書之

可識今

年即去年憂樂向來何處著惟餘省歲念無遷

朕既藏歷代帝后名臣像於南薰殿為文以記之

并成是詩

寫照應非古義軒誰所傳

三皇五帝之像蓋出於後世附會然既珠庭秀發亦惟一

例尊藏云儼茲瞻日角敬與保天全暑雨寧侵幌薰風尚入

絃畢然興景仰籌治勉勤乾

再題趙孟頫鵲華秋色卷

文敏一生得意筆不減伯時蓮社圖

二語用董具昌識語

向每展

玩輒叫絕皴染含韻供清娛為鵲為華固未識但見豎
峰橫嶺天然殊去歲青齊駐巡蹕乃命驛致一證諸真
形在前神煥發樹姿石態皆相符東華傑池麗色翠天
外西鵲威紆秀影圍城隅徒聞道子乘驛傳嘉陵不識
能同無爾時得句題卷上嘉話自詡遊不孤歸來登舟
值變故是卷度置過年餘歲暮鏡古適幾暇胡然入眼
紛愁予兩朶天花仍好在鵲橋似阻銀河塗向來悲喜

倏已過流陰瞥眼誠堪吁成詩聊當賦獨旦古紙側理
偏宜書常侍却能進讜論久成寶笈藏石渠慮致魯魚
難補記解頤笑謂有是夫千秋後人執卷以題詠其誰
守禁為汝停吟觚

董邦達雪景

天公玉戲谷神寒盡得風流在筆端散漫不分巖洞樹
紛糝偏惹客人冠細披尋去全成句粗點綴餘皆入觀
寺閣迴凌銀色界好教破冷一扶欄

書福詩

歲暮書福以賜庭臣謹遵

皇考成例亞禧斂錫之義於是為昭每欲成詩以不得
佳句而止茲當清暇復此迎年揮翰之餘拈鬚有
作亦不復計工拙云

近始藩屏逮百僚臨軒書福慶恩昭九疇箕子疇書演
一筆王家筆陣超嘉與紅箋迎介祉相扶綵勝煥元朝
不徒弄翰欽敷錫

家法繩承仰

聖堯

雪

立春前
二日

作勢紛糅低曉煙應時好是立春前因風斜拂寒猶淺
著地旋融力已絲祥肇芳辰披寶帖興浮殘臘耀瓊筵
今年詩卷添顏色疊詠銀花點玉田

即事

杓柄誰教巧斡旋物情人意已熙然千枝花翦銀幡勝

百合香按寶鼎煙古帙堪為消夜果東皇不索買春錢
靜中檢校增寅畏今歲遭逢幸萬全

立春日擬帖子詞

玉管春調律銀滕雪告豐今朝上林樹鳴喜向東風
東陸新迎候西川早洗兵駢祥欣歲稔布治順民情

節先去聲午年三宿至春將寅日一齊來綵屏底更裁吳

錦殿樹裝花綻古梅

例事晨趨京兆尹佳詞歲擬翰林官撫辰願協陽和德

實政寧惟詔旨寬

除夕

歲辭催景換律轉覺春融寶勝扶銀蒜蓮檠綴玉蟲韶
華歸桂苑和氣滿璇宮一夜分新舊祈年願屢豐

欽定四庫全書

御製詩二集
卷十三

御製詩二集卷十三

欽定四庫全書薈要卷一萬三千三百四十一集部

御製詩二集卷十四

古今體六十八首

庚午一

庚午元旦

曦光拂曙啓元正
春入皇州爆竹聲
人喜開年韶景富
香飄合殿瑞雲明
三微橐籥欽天統
萬國共球奉大清
敢謂端凝致熙皞
惟懷兢業守承平

元日乾清宮宴諸王即席得句

元日乾清宴本支百世親豐年占首歲和氣霽韶辰柏
葉浮醽醑椒花煥棟振銀箋將玉管次第答光春

新正試筆

律應青陽杓轉斗春隨曙色敷九有仙木祥徵第祿辰
綵槃香泛屠蘇酒太和玉帛八瀛朝黼宸垂衣端拱手
昇平際運敢自矜兢業因心期永守街前爆竹物象熙
樓頭積雪

天恩厚億萬人增億萬年東皇善錫無量壽

正月二日小宴廷臣

紫極韶光麗始青
泰交鷓侶集明庭
綺筵旨酌三辰酒
玉卮榮開兩葉萸
恭己疇咨卿士月
斂時敷錫庶民星
皞熙未致提封廣
莫漫嬉陳至治馨

恭祝

皇祖定妃太妃九旬千秋詩

九袞欣看大壽躋
祥徵彤管更堪題
蘭宮祝嘏孫曾繞

桐邸承歡子婦齊

太妃自雍正年間即迎養於履親王府第叔孀齊眉承歡太妃膝下而歲

時令節

皇太后及朕亦偶迎

太妃入宮行慶實宮庭盛事云

自是遐齡縣介祉果

然厚德致嘉禔懸知百歲仍康健更進霞觴此佇俟

題元人名繪集錦卷

趙孟頫文石疎篁

作石無非飛白法作竹兼能金錯刀松雪齋中偶弄墨
如不經意神常超瞻彼淇澳興遐想刻畫求媚真兒曹

管道昇翠竹煙江

碧浪舟中即景時長煙低拂綠猗猗何人解事聯孤腋

宛與吳興效倡隨

倪瓚安處齋圖即用其韻

是誰肥遯隱君家
家對湖山引興賒
名取仲舒真可法
圖成懶瓚亦云嘉
高眠不入客星夢
消渴常分穀雨茶
致我閒情頻展玩
圍爐聽雪剪燈花

吳鎮中山圖

與可竹掩畫仲圭畫
掩竹倩誰下轉語
竹畫豈二物叶
醉墨寫中山淋漓逼
眉目度藏戒中涓
恒恐自露漚

馬琬春山清霽

文壁山水得神韻每逢佳處率圖之春山清霽名自署
為撫為淮非所知兩峯南北如賓主晴川一帶天無涯
山房或有高士隱煙村燈火隨民宜

為琬自題正
月望日畫

一日

之樂未可少三日于耜惟其時從來繪事貴取義是圖
可補周人詩

趙丹林陸羽烹茶圖

古弁先生茅屋間課僮煮茗雲雲間前溪不教浮煙艇

衡泌棲遲絕往還

林子奐竹崎圖

坐石談仙訣仙風拂綠鬚海天無盡意師法自方壺

莊麟翠雨軒圖

白屋眄江天林泉意洒然奇蹤驚獨見絕唱幸猶全古
樹圍青嶂平橋界碧川香光論福慧眞透畫禪禪

新正重華宮侍

皇太后宴

獻春行慶始天家

王母斑龍降葆車風到五朝初有驗

年前二十
八日立春

人當七

日半非賒華鐙光引團圞月椒酒香留泛澗霞邀得

慈顏歡顧處上林猶積玉為花

新月

銀潢乍拂一鈎橫今歲新蟾喜倍明積雪樓陰寒不濕
織雲天際晚偏晴人期三五多懸望
靄守盈虧豈繫情
竭憶去年緣底事去年已覺可憐生

椒閣

椒閣蛛塵落玉筵
華鐙竭過意悽然
那忘琴瑟娛良夜
忽寂珩璜向兩年
到底日疎連夢遠
惟餘景會一情牽
內人例事迎佳節
勉強酬春付管絃

祈穀齋居

發歲祈靈

大享壇齋居清夜未云闌
惟幾永念欽惟命自省何能
強自寬泣政久虞敷政忽閱人多覺
識人難所希

鴻貺綏豐屢粗與吾民共治安

雪

正月
四日

靄靄雲容重霏霏雪勢颺
繼冬敷宿潤首歲發新祥
梅閣風增馥瑤臺夜有光
齋居屆祈穀敬慰意何長

晴

雪霽亦云可年前三白過
迷離融日彩景色湊春和
冰筯垂簷細銀花纈樹多
時晴臨縮本玉枕較如何

近得
漢玉

石子命玉工製為羲之玩鷲
而自臨縮本時晴帖於上云

詣齋宮作

玉輅逶迤出鳳城，條風祥旭霽光清。
春生菡井人心豫，戶換桃符物象亨。

城樓積雪瓦陰深，心所生歡輦上吟。
新定儀章陳大駕，永惟德御倍思欽。

齋宮疊癸亥春正舊作韻

詩屏七歲閱霽景，六街青春好新霑。
雪金穰恰應庚光，風天宇麗嫩日午。
窓晴爆竹鳴豐豫，端倪始帝城。

夜雪

詰旦

精裡親奠璧明衣數問夜如何
疇人未報三分曙常侍
先稱六出多正值祈農真是瑞
不須筮易定知和前朝
積玉棲鴛瓦又喜新英點鳳柯

祈穀禮成有述

蕭火分光瑞蒞飄攝齊玉陛陟
岩堯卿雲擁處陳三解
仙樂鳴中奏九韶庸詎孚顯通

有赫仰希左右格

於昭祈年今日承

明貺益勵寅衷惕旦宵

人日

人日何稱七根荻二五精正逢春景麗恰喜瑞雲升
仙木輝朱戶銀花點繡楹對時頻自省期以副輿情

新正瀛臺即景

瓊島初歸駘宕春行時步輦下楓宸戶懸寶炬迎嘉夜

餅亞珠禾正穀辰

時正月八日

過籟竹敲金瑣碎巡簷梅足

玉精神昨來已是隔年事攬結從頭物象新

淑清院

石徑度流泉竒探小有天樹垂冰作雨砌暖玉生煙屈
膝紅牆繞蝸蛸紫閣連不如深翠處精舍足幽偏

瀛臺小宴外藩

行慶宜春嘉客來趨臺曲宴例教陪晴開苑樹媚韶景
雪糝天街淨薄埃樂奏雅寅初入律恩頌湛露滿浮杯

一家中外熙和際保泰孜孜日念哉

新春悅心殿

朶殿憑高俯液池行時恰值悅心時
山容積雪融和盎物象熙春詠蕩披
待引魚龍輝火樹先招鸞鳳試冰嬉
奉三正喜三陽泰輔相裁成有所思

題王詵煙江疊嶂圖用蘇軾詩韻

智者樂水仁樂山何殊過眼觀雲煙
千年藝苑留佳話要因論世然乎然
駙馬都尉戚里貴乃厭聲色耽林泉

興來寶繪

晉卿堂名

破醉墨蒼厓秀入秋雲川將軍金碌寶

阨狀眼空當代心追前胸中丘壑具粉本不期其法全

其天玉堂學士眉山老橫排硬語出瓌妍驪珠落落傾

栲栳暖玉靄靄生藍田觸還當道禁所作愈使羶薌綿

後五百年詩如陽羨入卷秀以麗圖如玉局落筆便而

娟此詩此圖真恰當撫掌三絕頓令忘食眠尤物更喜

得竒遇瑯邪元美人中仙品評離合豁法眼

王世貞跋此卷因歌

辭畫境小有抵牾疑晉卿畫已失僅餘蘇跡而好事者取晉卿別本配之故云

使我遐想定國

元本求無緣中丞三歎煙江幻即今我復賡其篇

豐澤園宴準噶爾夷使

光春嘉宴液池頭廣幕高張愷澤流小部魚龍陳角觝
遠方玉帛達渠搜薄來厚往遵經訓戢武安邊表大猷
瑞雪應時晴更好午暎意似為人留

題趙孟頫硯

王孫松雪齋頽久遺跡空傳翰墨香祇有淬妃猶好在
芸帷時晤十三行

二十一叔慎郡王生辰詩以壽之

聖祖含飴恩並天，追隨與叔正齊肩。
詠歌尚憶相酬日，

向在書窓與叔和韻之作獨多

彼此同交不惑年

叔今年亦四十

好學好文光

譜牒為屏為翰效，英賢三陽發歲韶。
華富介壽還欣福，似川

初春之吉恭奉

皇太后駐輦圓明園，撫景得句憶昔有懷

依遲淑景向和融，更喜輕陰瑞旭籠。
恩許外藩娛節夜

欣陪

慈輦駐林宮
今春雨雪良多幸
前歲風光杳莫同
椒閣依然懸綺綴
難堪溫卉傍人紅

雪

春園方駐五雲車
一夜紛綏六出花
疑是東皇工點綴
故教瓊瓣續槎枒

東郊早是頻滋麥
節夜還教艷助燈
屈指年來明記憶
逢茲盛事幾回曾

假山曲埭皆含潤竹節松針別有姿
火樹蓮花嫌太麗
特教清景鬪新奇

玉色界中樓閣迥冰天窓裏研甌清
新年行樂饒佳興
都為青疇溥利耕

上元日侍

皇太后宴

東皇今歲艷華燈一雪人天喜氣增
燭朗慶霄成不夜
杯圓寶月祝

如陵千枝甲煎蓮花吐百末蘭煙芝篆凝覘眼流光頻
屬想承

歡許案記前曾

上元燈詞

紫瀾風定淨魚鱗今歲元宵景更新玉駝駐輪真不夜
金枝發艷是恒春

峰銜金鳥纔侵夕海湧銀蟾正就盈暮景蒼然剛數刻
早看映座九華明

樓頭問景邀

王母座側觀燈聚列仙
底事人心多悅豫

穹蒼澤溥早春駢

嶙峋三島移仙境
霍靡雙葩燭絳霞
燈火上元渾隔歲

去歲元夕有御園
燈火待明年之句
御園景物倍清嘉

隔歲興懷且漫論
占年六出慶

明恩東郊子耜欣
霑足指日巡方命
翠軒

疊紙裁羅越樣奇
火蛾玉燕鎮紛蕤
皇都三五增華盛

返樸還淳繫我思

正月十六日賜宴聯句

御製瑞雪宜時淑氣調東皇著意富元宵蓬婆息戰春偏

麗

馭娑承

恩景倍饒千羽兩階符帝舜義和四仲協神堯千邨人

樂祠膏節

臣傳恒

九陌風傳擊壤謠應候陽和諧律

呂凝禧瑞靄接琴檠天街夜永遲魚鑰

臣來保

瓊島

春回奏鳳簫早見始青敷隴首尚留殘白占山腰

南枝的皜舒梅萼

臣史貽直

大地沾濡潤麥苗盤列五

辛看穩受菜陳七種喜頻挑筵前吉語憑探繭

臣阿

克敦

御製閣裏芳詞憶頌椒兩歲重華踈宴衍今年嘉夜慶和

韶傳柑授簡循前例

依藻興歌叶令朝洵是堂廉通咫尺居然步武上

雲霄唐花影入簾櫳靜

臣梁詩正

爆竹聲連里巷囂聽

漏嚮晨嘗草制宣風計日待乘輅稱觥預晉華封

祝

臣陳大受

聯珮同趨絳節朝漸斷玉螭冰欲泮霧橫

寶鼎篆徐飄長春疊發仙莖秀

臣蔣溥

不夜停催禁

漏遙朱檻兩行攢火樹赤城十丈起霞標蕊垂蓮

炬明長滿

臣汪由敦

御製煙重蘭缸暖未消絞縛山棚圖貝闕挽輪冰戲湧瀛

潮香浮翠碗浮圓脆

巧勝琪花勝縷影鼇柱漫勞龍伯釣星槎那藉鹿

盧躡濃芬乳泛調甌茗

臣劉統勳

秘色瓷鮮奪越窯釘

就琅霜珍粒粒包來雲實重瓊瑤鳳丸和鼎呈雕

俎

臣介福

麟脯行盤進綺寮肩玉浮叟分月戶傾金

潑灑酌天瓢七絃清角傳三疊

臣嵇璜

一曲紅牙滾

六么舞鵲迴鸞矜婉轉緣幢度索鬪輕趨座呈海

客珊瑚網

臣嵩壽

御製屏拂巴賓翡翠翹飛葉一莫依砌祀指寅半月見招

搖成詩莫漫誇華萼

錫宴惟欣詠，蓼蕭乍擲晶。球光煜煜對，翻銀葉影迢迢。

魚歡錦浪文，鱗躍

臣張泰開

鳥放雕籠彩翼超，細顆丹

葩生桂粟深，叢紫穎茁蘭。茗廣場獻壽，來貽背

臣孫

嘉塗

小隊嬉春舞，鬢紅菡萏交。飛采焰綠蒲萄綴

曳祥飈，轟騰文陛殷雷虩

臣觀保

迸落晴簷白雨跳

灼爍星精芒有耀，團圞魄寶運無朏。林香簷蔔紫

真宇

臣錢陳羣

御製界淨琉璃敞碧寥，上苑即看成閭圃。廣陵何用駕虹

橋北門學士連茵席

南極星文燭斗杓

睿藻自天斟沆瀣小言學步賦鷓鴣觀臺瑞現雲三素

臣劉
綸

午夜歡迎燭萬條戶有管絃知歲稔人同醑

樂識

恩昭勾芒秉令泉膏動

臣德
齡

畿甸

行時物色撩奉朔朝正通渤海來廷王會繪雋僥雨暘

順序徵蕃廡

臣董
邦達

功敘登歌振雅騷夾道塵清旋

寶馬圍燈風軟襲華貂百司贊贊思無數

臣表曰修

御製三爵油油示不佻憂盛敢忘希令辟亮工端復藉羣

僚泰交相凜休相頌試聽雲門奏徵招

上元後一日小宴廷臣既用前例觀燈聯句并成

是什其願賡韻者聽

儒臣珥筆列長筵燈夕聯吟例向年即此冥搜探物象
絕勝熱鬧聽蠻絃同心交警時方泰舉首欣看月尚圓
頓憶籌邊經歲事飛章剪燭閱西川

宮中行樂萬方知

慈壽康和慶莫涯
祝歲試陳燈影戲
踏歌誰進月華詞
蘭茗翡翠春容與
鸞鳳芙蓉夜陸離
創守評量難易處
思艱累葉正重熙

題鄒一桂山水

飛來笠館翠微間
磴道凌空訝許攀
樹葉吹風看颯颯
瀑流落澗聽潺潺
忘年古鶴閒梳翮
長日高僧鎮閉關
百尺虬枝扶碧嶂
依稀如過九松山

李世倬松閣飛流

落斜流水匯清溪
溪面危亭雲與齊
上下水雲澄動處
無邊理趣露端倪

燕九

燈夕度逡巡
仙踪紀此辰
自來傳燕九
都為惜華春節
物年增富風光日
又新堂堂閱駒隙
脈脈感著新

雪

名園未浹旬
春雪已逢兩
土膏將脈起
潤澤滋培養
午

暄融作雨廉纖已聽響入夜凝六出峭寒切帷幌臨軒
曉問政玉宇迎眸晃林枝疊綴英籠鶴重披氅詎惟足
竒觀更復屢深想邇來

天貺稠毋或予心放

叶

林亭雪景

林亭瑞葉灑連朝向午融和強半消布澤最欣滋綠野
含花長見艷芳條

楊柳似含煙翠歷樓臺仍積玉嵯峨春園新趣添詩興

潔比冰天較若何

望去燕天成一色收來越碗點三清王家蹟未曾攜得
乍可遲之賞快晴

年前三白棲鴛瓦早是占農慰法官清絕園亭不相讓
別開神繪玉玲瓏

燈夕雖過景未殘玉鸞銀鳳舞嬾姍勒回春冷何妨劇
大地無飢自免寒

喜晴

初春已有喜晴詩可識今春雨雪好常年三白每歎冬
那更愁多例愁少前朝夢雨雨公田繼以六霽釀寒峭
叶麥針孕土草含萌此際發生時尚早便復嚴寒諒不
妨虞礎紐芽偏悄悄晨來祥旭散和融凍雲斂淨光天
表山頭積素看將消池面新波愛初渺協紀劬農予切
務豈有閒時去懷抱略得舒心對暖窓書史案頭一探
討

錢維城峭壁寒林

枯枝無葉有丹青架水天然合草亭過壁煙雲饒變態
倚欄高上獨延停

董邦達灌木迴溪

灌木重陰夏亦寒闔閭獨坐俯澄瀾煙波無盡志和趣
豈在樵青與釣竿

填倉日

五辛盤已撤十字餅初嘗節物排年紀風光此日良占
農真得吉從俗亦何妨積潤塍鱗疊成波沼鏡張從新

春婉婉憶舊景徬徨

慧賢皇貴妃於此日仙逝己五閱歲矣而孝賢皇后二週年將次

又及撫景追昔不禁神傷

更切懷賢匹無何逮小祥

新柳

宰地鶯黃綠沼濱一年春色又從新只今意緒渾殊昔

每對新春憶舊人

聞保陽及河南得雨喜而有作

前旬駐御園雨後繼以雪釀寒懼傷麥所幸初春節向
南候已暖霏空融玉屑霏霰慶優渥近遠三寸徹保陽

奏早到商雒章茲閱秋年發既資春耕澤無缺額手為
蒼生寧不心歡悅

聞雁

雖雖送響傍春宵底事關山不憚迢背燭冥搜聊詠物
去年即景謂宣驕去春聞雁有數聲聊爾為宣驕之句塞天伯仲依然敘
楚澤煙霞若可招太液池融絕矧繳飲棲付爾恣逍遙

大學士來保七十壽為是歌以賜之

七十古稀亦常有綸閣中人不多覯叶居然台衮臻黃

考平生誠謹獲福厚金門朝夕宣勤久鮑背精神尚抖擻漢萬石君今其友作歌春酒為卿壽詞取易達卿祇受勉力贊襄予左右

暖

薄暖初轉律脆凍早酥津一窓嫩日暄幾朶棚梅新

植梅

於庭以棚護之今有成樹者較盆卉為佳

駕樓融玉筋釦砌消銀鱗光天詆

駘宕和氣翔緼潤含土膏動慶宇清無塵大似江南春間之江南人

正月廿九日作

六街早罷踏燈歌宿潤含韶鼓太和今歲較於前歲幸
三分已復一分過不無對景頻愀爾試問流陰竟若何
結習也思漸蠲却春來依舊事吟哦


題文徵明研

衡山十四字留銘抽思能生翰墨馨
棊几恰供宣席用

高軒不共白雲停

衡山有
停雲館

御製詩二集卷十四



總校官庶吉士臣侍朝

校對官庶吉士臣何思鈞

校對官檢討臣郭寅

謄錄監生臣陳熙

欽定四庫全書薈要

集部

御製詩二集卷十五
六

詳校官原任編修臣徐立綱



欽定四庫全書薈要卷一萬三千三百四十二

集部

御製詩二集卷十五

古今體七十八首

庚午二

恭奉

皇太后西巡瞻禮五臺發軔京師即目得句

巡方指西晉行令發春旗灑路前旬雨省耕二月時觀
光來岳牧觀俗切疇咨治理思臻厚

慈寧願祝釐芳郊供攬結旭景漸舒遲排日成新什題

端視此詩

盧溝橋

春光輦轆車春水樂鳶魚冰先去聲桃花解波含柳色如

堯峰明積素甫野潤新畬絕勝常年景詩成慶慰餘

良鄉行宮作

行宮首頓黃圖近巡幸畿南路必經擬向文殊重瞻禮
又迎

慈輅此居停晚來瓦雀爭巢噪春到盆花傍座馨幾度

景光隨節異橫雲塔影鎮亭亭

詠赤玉石子

兩間粹氣英華積絳雲一握光而澤瓌寶非璜亦非璧
象同雞卵融黃白夏扶血勇面常赤節士之貞介如石

秋麥

秋霖冬麥均適宜昨歲來牟播偏廣膏澤新春又渥優
暄以暄陽氣融益紐芽遍野綠蔥蔥餅餌香風匪遙想
申命僕從戒驅馳三農豈易逢年穰蹕路所損縱不多

蠲租詎惜司農帑紛紛赤子覲龍光共樂春臺欣有象

弘恩寺題壁

蘭若通衢左山僧豈厭幽頗能具功德

寺僧蓋律門於持戒供養尚屬

精進較狂參妄證與夫牟利者為優矣

輒與暫停留暎戶蒼松老聽經白

鴿稠設詢喧寂性分別起心不

柳色

御苑臨仙蹕鶯黃看尚淺涿鹿度行旌柔條綠堪綰
窳地暎青年颺風迎玉輦向南氣已暄來東颺正軟披拂

無纖塵掩冉待新蘚景光觸目佳情懷以詩遣

過涿鹿郡

將禮曼殊域重臨凹字城資耕春野潤趁意客途晴考
古參疑信觀民計歎羸豫遊侯度勉思日謹持盈

醫喻

醫術素不知醫理可推曉不出補與尅二者不同道補
或邪火乘尅或元氣耗叶但期無病佳投醫無一好肘
後誰則見扁鵲從來少寬猛為政方視此何殊調叶陸

氏有名言庸人戒自擾

涿州城南

涿州城南柳色新光風搖颺青韶春鞞鞭擬挽長條問
閱盡征途幾許人

長煙初泮曉風清畫意詩情面面迎萬古江山黃帝野
誰教此處獨傳名

盈疇綠麥已芊繇都道春膏勝往年野老相將修耒耜
未交寒食便耕田

曉行即景

春雲輕綴宇晨露淨消塵紅日寒猶淺青郊景漸新意
行憐路近歲熟覺風醇西嶺嵐煙散迎人玉障斂

示直隸總督方觀承及其屬吏

下隰高原一律滋春巡正值省耕時思其艱矣窮黎庶
與我共之良有司稍幸頻仍逢歲稔幾曾容易致風移
休和端自人心感謾誦豐亨弛敬寅

新月

一鈎新月絳河涯素影輕寒淅淅披纔送華鐙驚過節
初來武帳又催詩煙花少遲去聲紅塵夢半滿憑叅白業

推

禪宗請示語曰白椎蓋啟其鉗椎之意

底用巡檐將步砌清光無礙到

檀帷

過定興

督亢本膏腴况乃三白足春郊迤邐遷過秋麥芄蔥綠雞
犬達四境倉困比千屋覽此為解頤稍以慰蒿目邇來
天貺厚大田慶三熟去歲麥復收今春地霑溥此晴更

宜時相將播百穀歎實子之咎豐實子之福此責無可
諉祈年心永篤作詩凜持盈敬勤勉肅肅

暖

春仲氣暄和曲內生機暢萬物向昭蘇鴻鈞妙神匠湛
露溥霑濡惠風徐拂颺前朝覺冷劇雪色凝遙嶂虞或
傷紐芽情懷頗惆悵茲暖實相宜田功故無恙行令塵
民瘼對時仰

天貺

習射

武帳多餘暇晴光拂綵旄
吼風飛夏服寫月挽烏號
於古稱觀德斯今可習勞重
輪連命中得句亦因豪

安肅道中

山嵐欲泮柳煙含驛路和風
逐曉驂行過溪橋回首望
燕南景色似江南

雲容時喜輕籠日雨澤頻欣
溥潤田畿輔省耕常歲事
景光那得似今年

菜畦菓圃連谿塢瀑水東流一帶斜

縣有瀑河東流入淀

恠底山

川饒秀色村名猶自號張華

草色

一帶裙胥幕地青扶輿春色已形形向陽遠入煙光薄
傍渚平分水黛冷誰道文章屬桃李幾多生意罨軒輦
所欣在彼不在此早見來牟綠滿町

至保定賜直隸總督方觀承及其屬吏宴

清苑臨華蓋光風拂綺筵省方延岳牧賜食侑笙絃歲

稔人心豫時康禮教便緊予敷德澤勛爾善承宣

命張若澄圖蓮池書院因而有作

平生喜圖書謂是足神趣佳境率傳真以誌心所慕蓮
池古名勝况是興賢處前歲歷保陽曾一臨鸞輅敞軒
曠怡神窪池澹澄慮假山峯側面應有舊題句了了粉
本具命汝為分布同異故堪證即離宛可悟待我返巡
蹕卷阿再親賦

夕

暮景拂穹廬寒光發望舒鏡歌喧玉管壁燭燦金蕖校
閱材官罷疇咨機務餘云何遣清暇歌案一繙書

唐縣覽古

坡陁十里度逡巡覽古偏遲行人於二典中欽往聖

縣有帝堯
帝舜廟

况三代上即斯民青帘不買中山酒綠柳全
呈涿水春豈有新竒傳治法年豐無事漸還醇

望柏巖

春雲之上見嶙峋千古柏巖名尚新問爾一峯秀何許

於中迺有浪仙人

燕南壯士空傳名豈似文章天地英
一句吟安目無物
其雄應不減荆卿

有以頤養精神為言者詩以示之

豈論中禁外營間肯放身心少
趨閒太弊精神縱鮮益
只耽安逸足為患吟詩習射隨常課
吏治民依切已關
強制不生一念者片時念亦有千般

題董邦達山居小幅

柳隄煙景

鶯黃萬縷曉煙含攬結韶光穉未酣前日意行曾得句
披圖大似涿州南

夏木垂陰

峯側危亭四柱孤綠陰中見路迴紆遠山別為開生面
漫認米家鷓突圖

疎樹斜陽

微脫酣霜葉戀枝秋江如鏡漾連漪漁家傍岸閒收艇

斜日輕風在網絲

寒林曳杖

香雪海中白玉臺
波聲凍咽野溪隈
溪頭略約扶筇度
應是孤山放鶴迴

曉行即景

東風習習拂車幘
景物紛紛迎取次
拈麥色阿誰傳節度
共人程路日徐添

曉雲掩冉作輕陰
因地田功自酌斟
便雨不多晴亦可

今年差慰量農心

背郭連延種樹多
熙熙老幼迓鸞和
但安其性無煩令
為政名言憶郭馳

東皇神賁物韶妍
曉潤灩灩緩鞞鞭
最愛綠楊煙色好
山村行近賣錫天

丙寅秋西巡時唐縣老民劉永壽年百有一歲曾
賜之金與食并成長句今一百五歲矣矍鑠猶
昔扶杖來迎既欣人瑞輒以命篇

高年一歲度如旬百五春秋豈易臻重見期頤迎蹕路
幾書亥字與時人自云老矣今扶杖我道仙乎為駐輪
矍鑠精神教孫子力田孝弟作良民

靈濟祠

乾隆十年命高斌引唐河之水以興水利而建祠
於此以祀

河神西巡過此因成是詩

靈丘疏遠派

河源發山西靈丘縣

廣利濬通渠

下為廣利渠達淀

惟此田

功要庶因民氣舒崇祠瞻像設便道憩幽居壁有前題
字年光默想餘

秀木軒

靈濟祠之右有屋三間偶因停蹕輒額是名並疊

前韻

威紆遙列嶂漩復近臨渠白屋三間靜青林一望舒團
陰籠月戶行漏遲去聲雲居茅土風規在祠後祀三皇五帝心傳

景仰餘

日日

日日行程數十里，覲光黎庶紛夾路。
繁滋戶口識承平，一為歡慶一為慮。
覩茲男婦及老幼，孰不食粟而衣布。
豐年猶恐難遍及，况復豐年豈常遇。
曰富曰教有次第，剛克柔克因時措。
咨良有司其勛旃，飢溺常懷愍無訴。

十八渡

曲折溪流遠山村，景又殊綠芒香餅餌。
白屋富廩蘇父老，知恭敬兒童任笑娛。
羽林謾呵蹕，可以繪豳圖。

水竇巖

徒稱水竇名未到水竇處奇境固無窮那能遍遊豫
流應好在煙霞豈改故但聞坡翁字
岩石上刻蘇軾
浮休二大字剝
蝕半湮去竭然悟兩言洒爾澄萬慮

戲題詩韻

共我燕南塞北遣茲喜怒憂欣未免連篇累牘曾非月
露風雲佛法滿字半字大塊無文有文五卷一百六韻
默然了不區分

閱本

黃閣封章驛騎馳不因巡幸懈疇咨四方暘雨隨時較
萬姓安危切己思亦曰欽哉貫謨典允惟難矣作君師
兢兢無敢渝初志勤政常承

家法貽

檀廬

十笏差強四季宜程途日易向無移琴齋瀟洒何殊爾
布帳單寒却念之蓮綴玉蟲披諾罷蘭垂金穗覓題遲

謾言宮室輸苞茂大禹應還較此卑

阜平縣

蘭衢曉潤不生塵嫩柳新蕪逮仲春
麥隴馳驅嚴後從
煙村景象驗前巡

林園種樹引前川梨棗何須待十年
生計化居民自識
無煩督責順其天

崑峯一帶俯清湍棧路紆迴度幾盤
大茂西來餘雪色
近山風漸逼人寒

炊煙茅屋颺東風
雞犬蕃滋困鹿充
村老似中春社酒
凍梨面頰暈微紅

普佑寺

竺館招提誰所築
面勢真佳幽趣足
臨水背山納萬景
龍蔥入望饒古木
飛來不數峰號鷲
初到宛知苑稱鹿
抖擻塵衣一禮拜
其高丈六復丈六
幽室三間少憩諸
小派大派紛吾目
何當長夏此習靜
儒書釋典隨意讀

阜平縣再依

皇祖原韻

巡方非豫遊漫詠南山杞阜平真阜平依崖築城址戶
口間富貧風俗襍儒俚舉趾四之日春田已新耔遠派
引北流開渠灌山水夾道紛老幼翠華瞻莅止憶我前
度來拂面秋風起敬仰

聖人蹤深恩匝閭里切已勉繼繩瞻

前盡善美屢豐實幸際小康詎宜喜百雉不改邑

是縣城久

頽廢命重新之

五劇紛填市申命良有司予民善為理

山中

山中朝暮寒卓午更暄暖向陽草已青背陰雪猶滿一
水度幾番激湍率清淺谷口乃曠夷嶺源尚巉巖山村
凡數家刀耕闢町疇瓜壺堆木盤持以迓華早欣茲太
古風如閱橫披卷

即事

即事書懷亦可欣底須纂組博能文景光今昔停鞭驗
流水東西度嶺分楓葉曾看紅黯淡松枝無改翠綢繆

招提更在雲深處只放鐘聲下界聞

三箭山疊舊作韻

我

皇祖經此三箭連逾峰巔因以得名丙寅秋過之曾成
近體重瞻

聖蹟再賡前章

山名三箭誌曾聞嶮嶮孤峯迥絕羣憶

昔烏號發連矢至今雀躍服千軍初來西狩秋方杪重

度東風春欲分我亦彎弧思繼

武惟殷仰止慙

瞻雲

招提寺

一帶清流對碧山招提路便叩雲關闍黎禪誦無堪問

愛爾茅菴終日間

龍泉關再依

皇祖原韻

峰巒攢插漢關塞迴臨空形控千秋固方巡兩度同柳
絲烟釀綠桃萼冷含紅

聖蹟輝巖壑繩承勉用中

度龍泉關有寺名湧泉者寺僧以繩繫鐘杵引於
戶內可臥而撞之前度即欲題詩而未果今復
見之戲成是作

樓閣湧祇林捷推發大音不消勞撞杵可以穩蒙衾霜
籟常教度晨寒豈慮侵山僧真會懶未免有機心

示山西巡撫阿里衮及其屬吏

策騎度龍泉山川限晉燕入疆今兩度省俗幸仍前穿
窖堆陳粟梯岡闢野田唐風知尚儉示禮要為先

臺麓寺作

五臺梵宇如叢林第一琳宮即臺麓度長城嶺不十里
結構是間據林谷尚有湧泉寺名在此東歲久廢頽未興
築明朝即可禮鷲峰菩薩頂為五臺之
中山名靈鷲峯止頓臺懷留信

宿川名射虎仰

威稜

是處名射虎川
也有泉名神武臺麓寺即在其北

皇祖射虎處

重過碑亭心肅

穆金容月相原如如而我重來閱五熟其旁行宮亦舊

有室宇無多幽事足背依峭壁高推妾綠雲滄鬱饒佳

木時有天風翻翠濤寒逼衣裳怯春服彈指光陰謾憶

昔當前印證獅王躡

閱武

魚麗休排陣鷹揚悉簡精巡方兼閱武恤衆亦隨情

閱兵

未免勞衆故特簡精銳閱

之亦足寓詰戎之意矣

健士跳平熊楯材官破鵠正

不忘勤詰爾累葉正承平

陰

名山能出雲屢試信前聞度嶺崇臺近鋪空霽景分釀
寒增料峭傍晚轉細縕應是文殊喜天花似昔紛

丙寅秋來

五臺於始至及
迴蹕日皆得雪

雪

昨來無縫見天衣一夜銀林纈蕊菲望裏連空方散漫

度餘別墅辨依稀詩原踐約碧峰禮

丙寅秋來五臺時
凡吟咏諸題皆敬

依 皇祖原韻而未有別作
曾有再過還期禮碧峯之句 雪亦如期玉葉飛山地

向寒無宿麥

若有麥則恐傷稭苗而
五臺地冷例不種麥云

惟欣澤潤夏田肥

白雲寺小憩

白雲深處稱禪栖
便訪雲關一覓題
密雪埋蹊僧未掃
韶春入樹鳥先啼
三間靜室依然也
五載流陰亦迅兮
北去鷲峰應不遠
玉叢林裏望丹梯

命張若澄圖鎮海寺雪景因而有作

寺景宜遙看到寺無多奇
却見遙看處紛然畫景披
予

因是絜矩萬事皆如茲動而世為道言行法則垂此言

往者然至若生同時遠則有望耳不厭更近之偶此道

中庸釋典何即離閣黎粥飯罐奚足語以斯可惜占福

地盡屬黃與緇憶我前度來迴鑿駐道陞彼時亦逢雪

瑞葉紛葳蕤翠柏紅墻間寒剽

鐘中者謂之剽

送響遲謂是宜

圖取若靄屬車隨粉本為指授幘端題以詩逮今成舊

蹟寶笈藏石渠

叶

六靈仍踐盟旋融春光熙數間精舍

中月戶親憑窺千林復萬巘色相難為辭傳語示其弟

堅頰蹤可師

殊像寺再依

皇祖原韻

再至瞻殊像維新煥法筵

丙寅來禮是寺惜其頽廢稍為鼎新之

匪因修

福業可以悅真禪結攬千山外平量五載前
鷲峰直北望樹杪鬱蔥然

再題殊像寺

夷峻此地開紺園屏息一禮兩足尊
文殊師利無定相

優婁比丘多夔言翠柏風舞鸞鳳蓋玉峯寒入雲霞軒
不須拙速催成句少憩吾將意與存

清涼山再依

皇祖原韻

雪蹊歷歷度橋蹤白玉層梯認碧松春月景殊秋月景
下方鐘和上方鐘得教觸目清裁別間復翹心賡

韻重

丙寅秋凡清涼諸題皆依
尋蹊徑茲始畧有所作間亦散步

皇祖原韻槩未別
原韻云

只有清涼無改度迎人翠罨五雲峯

瞻禮菩薩頂有作

拾級親登靈鷲峯和南月相仰真容

是寺舊名真容院今稱中臺菩薩頂

雲標樓閣丹青煥

是寺亦為鼎新

雪霽林巒霧靄濃七日現身

傳古蹟五年來禮續前蹤傳言迴蹕行營近風度泠泠

隔嶂鐘

雪水茶

山中雪水煮三清大邑瓷甌入手輕

水以最輕者為佳此處水較京都玉

泉為重惟雪水比玉泉猶輕云

屏去薑鹽嫌襍和招來風月試閒評適

添今夕燈前趣宛憶當年霽後程

丙寅秋巡五臺時迴程至定興遇雪曾於

檀帳中有烹

三清茶之作

只有一端差覺遜三希即景對時晴

雪霽

雪霽曉暎烘春光漸冶融澗深渾有瀑山靜却無風積
素依陰峭徂雲向遠空龍泉東去路度麥念何窮

暖

向聞五臺極寒處九夏常有冬時冰况復昨朝霏密雪
謂當清曉寒不勝朱鳥騰空一谷暖雄風不作春煙凝

陽崖積素消欲盡陰巘疊玉欹峻增和氣融盎韶光媚
山林潤逼雲霞蒸昨來值雪頗切慮保陽一帶經過曾
來年撲隴已勃發紐芽虞被寒威垂關外暄妍有如此
東望腹裏心差寧

清涼寺

蓮宇臺西麓榛蹊一往尋石潭空

去聲

禪性松籟發仙音

春轉暄迎谷冰融雨墜林清涼名獨占

五臺名清涼山
而此寺乃名清

涼寺
故云分別不生心

再至鎮海寺

朝禮清涼寺山川聊結攬豈能向片石執著論誠感

清涼

寺內有清涼石體本活動寺僧即謬謂能扛動者為虔誠云

迴蹕已卓午路便尋精

广日融雪已消石磴不滑險月戶昨所憑林嵐頓改形
稍見翠微際幾峰凝黛青黛青仍間白萬景紛刻畫信
哉乾闥城宜為化人宅晝漏催泠泠椒塗惜舉策何當
坐夜靜笑問松稍魄

花朝

每遇花朝率有詩清愁薄喜一憑之無何復值青春半
不住且看紅日移山裏芳菲應尚早籬邊旂勝未教遲
羅睺寺旁行宮數字寺僧縛竹
為籬綴以襍綵頗應節物云向來愁喜渾無著咫尺

文殊禮導師

羅睺寺少憩

試問誰能轉法輪

寺後有轉輪閣

岫雲松籟總天真維摩不二

曾無語已是分明說與人

松亭如笠坐冥搜却喜瀟然滿意幽節物花朝誰點綴

籬邊剪綵十分稠

登塔院寺塔

曼殊是佛觀察智詎有遺髮藏窳堵

清涼山誌塔院寺有文殊髮塔設

以眉毛例翠巖則不勝藏豈僅許花朝風物春暄妍探
奇一訪青蓮宇攝齊拾級登初地騁望千峰近可數穹

窿梵網鶴鶴摩莊嚴火劫天龍護

叶

誰能於此淨六根

惟覺軒軒興霞舉

顯通寺

雪霽翠微峯蒸為紫霧濃精藍遊歷歷樓閣見重重靜

顯通寺舊名大孚靈鷲寺後魏孝文

重建十
二院

誰復辨遺蹤

御製詩二集卷十五